



UDRUŽENJE HOTELIJERA I RESTORATERA u BiH
UDRUGA HOTELIJERA I RESTORATERA u BiH
УДРУЖЕЊЕ ХОТЕЛИЈЕРА И РЕСТОРАТЕРА у БиХ



Ilidža, Blažujski drum 80; Tel.: + 387 33 639 625; Fax: +387 33 639 626; www.uhr-bih.ba; e-mail: info@uhr-bih.ba;
Identifikacijski broj: 4200917540008; Broj žiro računa: 1549995000151882, kod ISP banka Sarajevo

Broj: 01-012/22

Sarjevo, 14.02.2022. godine

Federacija Bosne i Hercegovine
PARLAMENT FEDERACIJE
SARAJEVO

Primljeno: 14-02-2022			
Org. jed.	Broj	Priloga	Vrijednost
02-	02-	414	/17

PARLAMENT FEDERACIJE BOSNE I HERCEGOVINE
DOM NARODA

n/r predsjedavajući Doma naroda

n/r Članovi Kolegija Doma naroda, Parlament Federacije Bosne i Hercegovine

n/r Delegati Doma naroda, Parlament Federacije Bosne i Hercegovine

PREDMET: APEL - Prijedlog Zakona o kontroli i ograničenoj upotrebi duhana, duhanskih i ostalih proizvoda za pušenje FBiH imat će poguban utjecaj na cjelokupni ugostiteljsko-turistički sektor

Poštovani,

obraćamo vam se kao predstavnici ugostiteljsko-turističke branše FBiH, odnosno skoro 40.000 objekata koji podliježu prijedlogu Zakona o kontroli i ograničenoj upotrebi duhana, duhanskih i ostalih proizvoda za pušenje, a čije će poslovanje biti ugroženo u slučaju usvajanja Prijedloga Zakona u sadašnjem tekstu. Ovaj prijedlog zakona, koji je Vlada Federacije BiH poslala u parlamentarnu proceduru, a koji je usvojen na sjednici Predstavničkog doma Parlamenta FBiH, 26.05.2021. godine, donosi niz negativnih posljedica za naše poslovanje.

Apelujemo, da ukoliko Zakon bude usvojen u istom tekstu 17.02.2022. godine od strane Doma naroda Parlamenta FBiH, rezultirati će padom ekonomske aktivnosti i smanjenjem broja zaposlenih u Ugostiteljsko-turističkom sektoru koji je jedan od sektora koji u BiH zapošljava najviše radnika. Donošenje ovakvog Zakona i potpuna zabrana pušenja u svim zatvorenim objektima, u trenutku kada smo najpogođeniji korona krizom i djelujemo u ekonomski izazovnim vremenima, direktno će uticati na održivost radnih mjesta.

Kada se već poziva na Evropska rješenja, želimo da vam ukažemo da su zemlje članice EU prihvatile kompromisno rješenje koje sa jedne strane u potpunosti ispunjava primarni cilj zabrane pušenja u zatvorenim javnim prostorima (zaštita nepušača od duhanskog dima) obzirom da će unutar ugostiteljskih objekata biti nepušačke zone koje su fizički odvojene od pušačkih, a sa druge strane se ostavlja mogućnost ugostiteljima da, ukoliko procijene da su prostori za pušače od interesa za održivost djelatnosti prilagode dio prostora koji će biti prostor za pušače.

Evo kako to izgleda u praksi, a primjera je mnogo te navodimo samo one iz našeg regiona - u Republici Hrvatskoj dopušteno je pušenje u fizički odvojenim prostorima ugostiteljskih objekata uz poštivanje zakonskih mjera. U Sloveniji, koja je prva u regionu pristupila EU, regulativa je jednaka Hrvatskoj. Pušenje je dopušteno u fizički odvojenim prostorima ugostiteljskih objekata uz poštivanje zakonskih mjera. U susjednoj Srbiji zabrane pušenja u ugostiteljskim objektima nema. U prostorima većim od 80m² poštuje se pravilo 50 posto prostora za pušače i nepušače.

Udruženje/udruga hotelijera i restoratera u BiH podržava sve Amandmane i njihove predlagачe koji predlažu ovu vrstu rješenja na dobrobiti i očuvanje našeg sektora.

Stojimo na raspolaganju za dodatna pojašnjenja i prezentaciju dodatnih argumenata.



Amir Hadžić

Udruženje/udruga hotelijera i restoratera u BiH